

Immer Arweit mettem Esse mache

Om letzde Sunndaach kam de Schorsch e bisje später on de Stommdisch, unn alser sich on de runde Disch gesetzt hott hawwe merr on soim Gesicht gesehe, dass er nit gut druff war.

Ei Schorsch, hott de Karl gefroocht, was issen los? Du mechst joo e Gesicht, als hätts Kättche in aller Herrgottsfrieh schunn metter geschennt. Bisde zu frieh aussem Bett gehippt?

De Schorsch hott abgewunke. Du Schlechtbabbeler! Naa, ich wollt dem Kättche heit e bisje in de Kich helfe unn habbse gefroocht was ich mache soll, awwer sie hott mich fortgeschickt. Geh du onn doin Stommdisch, hottse gesacht, ich habb so vill Arweit mettem Esse mache, doo kann ich dich nit gebrauche.

Ich saach: Ei warum hotts Kättche heit dann so vill Arweit in de Kich?

Doo gibt de Schorsch zur Antwort: Heit kimmt die Tochter mett ihm Monn unn mett de zwaa Enkel zum Esse, unn ihr kennt joo dess Kättche, wenn Besuch kimmt muss alles stimme. Unn weider hottse zu mir gesacht, ich soll mich fortmache, weil ich det ihr nor in de Fieß erum hippe. Unn grad moi Froocherei was ich mache soll detse gonz nervees mache. No ja, doo bin ich fort, awwer mettem gonz schlechte Gewisse.

Moont de Karl: Eichtlich hosde Recht, Schorsch. Mir sitze hier erum unn schwätze schlecht Zeich unn dehoom unser Mädcher die hawwe de ganze Sunndaach moie enn Haufe Arweit: Friehstick mache, Better mache, Esse mache, unn wenn mir dann hoomkumme stieht dess Esse schunn uffem Disch unn mir brauche uns nor hiesesetze.

Doo sach ich: Mich bedauert kooner. Wenn ich droo denk was ich heit noch ferr Arweit mettem Esse mache habb. Deshalb geh ich aach e bisje frieher fort, sunnst schaff ich dess nit.

De Schorsch hott mich gonz komisch oogeguckt. Du host Arweit mettem Esse mache? Ei Honnes, dess iss joo gonz was Neies.

Unn aach de Karl war misstrauisch. Heer doch uff. Wenn du dess Esse ze mache hättst gäbs doch nor e Stick Brot unn gesottene Eier – unn die hättsde noch oobrenne losse.

Ich habb die zwaa gonz mitleidich oogeguckt. Doo sieht merr widder emol dass ihr koo Ohnung habt. Ihr werrds nit glaawe, awwer heit middaach gibts e Menü mett drei Gäng, unn ich habb die gonz Arweit demett.

De Schorsch hotts immer noch nit geglaabt. Drei Gäng? Unn du sollst die Arweit demett hawwe? Dess kann ich merr nit vorstellen. Ei was gibts dann ze esse?

Ich habb mich in die Brust geschmisst. Soll ichs eich saache? Also: Zuerst e Frühlingslauchcremesupp, dann enn Lambrate mett Burgundersoß, Mangoldgemies und Butterkadoffele, unn zuletzt e Pistazienparfait mett Himbeersoß. Unn ich habb die gonz Arweit demett.

De Schorsch hott nor noch erauskriegt: Himmelnochemol!

Nor de Karl war noch nit iwwerzeucht. Heert sich gut oo, Honnes, awwer warum hosde schunn dreimol gesacht dass du die gonz Arweit demett host?

Ich grins: Ja unn? Iss dess koo Arweit, dess Autofahrn ins Wispertal in die Laukemihl bei dem Verkehr heitzedaach?

Eiern Honnes